



სსიპ ეროვნული სატყეო სააგენტო



საქართველოს გარემოსა
და ბუნებრივი რესურსების
დაცვის სამინისტრო



ეროვნული სატყეო
სააგენტო

შეხვედრა ქუთაისის მოსახლეობასთან



4 აპრილს გარემოსა და ბუნებრივი რესურსების დაცვის მინისტრი გიგლა აგულაშვილი და სსიპ ეროვნული სატყეო სააგენტოს უფროსი თორნიკე გვაზავა ქუთაისში ადგილობრივ მოსახლეობას შეხვდნენ და მათი პრობლემები მოისმინა.

მხარეებმა გარემოსდაცვით სფეროში არსებული აქტუალური საკითხები და მათი გადაჭრის გზები განიხილეს. საუბრის მთავარი თემა ხე-ტყის და წიაღის მოპოვებასთან დაკავშირებული რეგულაციები, ტყეკაფებამდე მისასვლელი გზების მონწყობა-რეაბილიტაცია და სოციალურ ჭრებთან დაკავშირებული პროცედურების უფრო მეტად გამარტივება იყო. შეხვედრა ინტერაქტიულ რეჟიმში 3 საათის განმავლობაში გაგრძელდა.

მოსახლეობასთან შეხვედრები საქართველოს ყველა რეგიონში ეტაპობრივად გაიმართება.



შეხვედრა დანიის დელეგაციასთან



7 აპრილს და 10 მაისს სსიპ ეროვნულ სატყეო სააგენტოში დანიის კონსულ ესბერ ემბორგთან და დანიელ ინვესტორებთან შეხვედრა გაიმართა. შეხვედრებზე განიხილეს ძირნაყარი ხეების მდგომარეობა ტყეებში და მათი შემდგომი გადამუშავების ეტაპები. დაიგეგმა მომავალში ენერგეტიკული პლანტაციების შექმნა და მათი მართვის საკითხები. შეხვედრას ესწრებოდნენ სსიპ ეროვნული სატყეო სააგენტოს უფროსი თორნიკე გვაზავა და სააგენტოს ხელმძღვანელი პირები.



სწრაფმზარდი სახეობების პლანტაციები კახეთში



11 აპრილს საქართველოს გარემოსა და ბუნებრივი რესურსების დაცვის მინისტრის მოადგილემ ბესარიონ აბაშიძემ, პარლამენტის გარემოსა და ბუნებრივი რესურსების დაცვის კომიტეტის აპარატის უფროსმა ნანა თალაკვაძემ, სსიპ ეროვნული სატყეო სააგენტოს უფროსმა თორნიკე გვაზავამ და ტყის მოვლა-აღდგენის დეპარტამენტის უფროსმა ნათია იორდანიშვილმა კახეთის სატყეო სამსახურის ხელმძღვანელობასთან ერთად ახლადგაშენებული სწრაფმზარდი სახეობების პლანტაციები მოინახულეს.

სსიპ ეროვნულმა სატყეო სააგენტომ აკაცის პლანტაციების გაშენება კახეთის რეგიონში გასულ წელს დაიწყო. ყვარლის სატყეო უბნის ახალსოფლის სატყეოს ტერიტორიაზე 0,1 ჰა ფართობზე მოწყობილი სანერგედან მიღებული ნერგებით 2015 წელს პლანტაცია 6,5 ჰა ფართობზე გაშენდა და 37 500 ნერგი დაირგო. მიმდინარე წლის აპრილის თვეში იმავე უბნის ტერიტორიის 3,5 ჰა ფართობზე 16 500 ნერგი დაირგვება და მოეწყობა სანერგე 0,2 ჰა ფართობზე, ხოლო, შემოდგომის სეზონზე დედოფლისწყარო-სიღნაღის სატყეო უბნის 5,8 ჰა ფართობზე კიდევ ერთი პლანტაციის მოწყობა განხორციელდება და 29 000 ნერგი გაშენდება. სწრაფმზარდი სახეობებით პლანტაციების გაშენება ბუნებრივ ტყეებზე ზეწოლის შემცირების საუკეთესო საშუალებაა და, ერთის მხრივ, ხელს უწყობს გარემოს ეკოლოგიური მდგომარეობის შენარჩუნებასა და გაუმჯობესებას, ხოლო, მეორეს მხრივ, მიმართულია ადგილობრივი მოსახლეობის მერქნულ რესურსზე მოთხოვნის დაკმაყოფილებისაკენ.



მერქნული ბიომასის წარმოების ხელშეწყობის მიზნით მემორანდუმი გაფორმდა



13 აპრილს სსიპ ეროვნული სატყეო სააგენტოსა და კომპანია “PINUS GEORGIA”-ს შორის საქართველოში მერქნული ბიომასის წარმოების ხელშეწყობის მიზნით მემორანდუმი გაფორმდა. მემორანდუმის ფარგლებში კახეთსა და ქვემო ქართლის რეგიონებში სწრაფმზარდი ენერგეტიკული პლანტაციების გაშენება იგეგმება.



კოლხური ბზის გადარჩენის ეროვნული რეაგირების გეგმის ფარგლებში მოსახლეობასთან შეხვედრა გაიმართა



სსიპ ეროვნული სატყეო სააგენტოს სამეგრელო-ზემო სვანეთის, იმერეთის, გურიისა და რაჭა-ლეჩხუმი-ქვემო სვანეთის სატყეო სამსახურებმა მოსახლეობასთან ინტენსიური შეხვედრები გამართა. მოსახლეობას მიენოდა ინფორმაცია კოლხური ბზის კულტურულ-ეკოლოგიურ მნიშვნელობაზე, ამ სახეობის უკანონოდ მოპოვების შემთხვევაში არსებულ სანქციებზე და გადაეცა ბზის დაავადების და მავნებლების შესახებ საინფორმაციო ბროშურები.



ბზის დარგვის აქცია იმერეთში



25 აპრილს ეროვნული სატყეო სააგენტოს იმერეთის სატყეო სამსახურის ინიციატივით ტყიბულისა და ზესტაფონის მუნიციპალიტეტებში დარგვის მორიგი აქცია გაიმართა. 23ა ფართობზე 2500-მდე ნერგი დაირგო. ღონისძიებაში ტყიბულის მაჟორიტარი დეპუტატი ელისო ჩაფიძე, ადგილობრივი თვითმმართველობის წარმომადგენლები და სტუდენტები მონაწილეობდნენ. ასევე, იმერეთის სატყეო სამსახურის მიერ სხვადასხვა მუნიციპალიტეტში 100-მდე კოლხური ბზის ნერგი დაირგო.



სასწავლო კურსი სამეგრელო-ზემო სვანეთის სატყეო სამსახურში



28 აპრილს ეროვნული სატყეო სააგენტოს ტყითსარგებლობისა და ტყის აღრიცხვის დეპარტამენტების თანამშრომლებმა სამეგრელო-ზემო სვანეთის სამსახურის პერსონალს შერჩეული საკვლევი თართობების შესწავლის და სოციალური და სპეციალური ტყეკაფების გამოყოფის საკითხებზე პრაქტიკული სასწავლო კურსი ჩაუტარა.



ბორჯომის რაიონის სოფელ დაბაში გადამწვარი ხეობის მოვლა აღდგენის სამუშაოები გრძელდება



ეროვნული სატყეო სააგენტოს ინიციატივით ბორჯომის რაიონის სოფელ დაბაში გადამწვარი ხეობის მოვლა-აღდგენის სამუშაოები გრძელდება. ღონისძიებას შემოუერთდა არასამთავრობო ორგანიზაციები “World Vision” და “დემოკრატ მესხთა კავშირი” ახალგაზრდული გაერთიანება, რომლებმაც 4000 წიწვოვანი და ფოთლოვანი სახეობის ნერგი დარგეს. ასევე, დაბის ტერიტორიაზე ეროვნულ სატყეო სააგენტოს სასკოლო სანერგის პროექტის ფარგლებში, წაღვერის საჯარო სკოლის მოსწავლეებმა შემოდგომაზე დაწყებული თევზის სამუშაოები განაგრძეს და ამჯერად ფიჭვის, ნაძვის და სოჭის თესლი დათესეს.



ურთიერთთანამშრომლობის მემორანდუმის გაფორმება



17 მაისს სსიპ ეროვნულ სატყეო სააგენტოსა და “საქართველოს მწვანეთა მოძრაობა /დედამიწის მეგობრები-საქართველოს” შორის გარემოს დაცვის სფეროში ურთიერთთანამშრომლობის მემორანდუმი გაფორმდა. მემორანდუმის გაფორმებას სსიპ ეროვნული სატყეო სააგენტოს უფროსი თორნიკე გვაზავა, საქართველოს მწვანეთა მოძრაობა /დედამიწის მეგობრები-საქართველოს თანათავმჯდომარე რუსუდან სიმონიძე და სხვა ხელმძღვანელი პირები ესწრებოდნენ.



დაზიანებული კოლხური ბზის კორომების დამუშავება მიმდინარეობს



სსიპ ეროვნული სატყეო სააგენტომ დაზიანებული კოლხური ბზის კორომების დაამუშავა დაიწყო. შენამვლის სამუშაოები იმერეთის, გურიისა და სამეგრელო-ზემო სვანეთის რეგიონებში სააგენტოს მართვას დაქვემდებარებული ტყის ფონდის 400 ჰა-ზე განხორციელდება.



ახალი „ტყის კოდექსის“ კანონპროექტის შიდაუწყებრივი განხილვა ყვარელში



საქართველოს გარემოსა და ბუნებრივი რესურსების დაცვის სამინისტრომ გერმანიის საერთაშორისო თანამშრომლობის ორგანიზაციის მხარდაჭერით 24 მაისს ე. ყვარელში საქართველოს ახალი „ტყის კოდექსის“ კანონპროექტის შიდაუწყებრივი განხილვა გამართა. შეხვედრას ესწრებოდნენ მინისტრის მოადგილეები ეკატერინე გრიგალავა და ბესარიონ აბაშიძე, სსიპ ეროვნული სატყეო სააგენტოს, სსიპ დაცული ტერიტორიების სააგენტოსა და სსდ გარემოსდაცვითი ზედამხედველობის დეპარტამენტის წარმომადგენლები. მხარეებმა იმსჯელეს დოკუმენტის ცალკეულ საკითხებზე და კანონპროექტზე მომუშავე ექსპერტებს წარუდგინეს რეკომენდაციები. შეხვედრას საქართველოს გარემოსა და ბუნებრივი რესურსების დაცვის მინისტრის პირველი მოადგილე თეიმურაზ მურღულია და სატყეო პოლიტიკის სამსახურის უფროსი კარლო ამირგულაშვილი უძღვებოდნენ.



სწრაფმზარდი სახეობების პლანტაციების გაშენება



სსიპ ეროვნული სატყეო სააგენტო აგრძელებს სწრაფმზარდი სახეობების პლანტაციების გაშენების სამუშაოებს. ამჯერად, შიდა ქართლის სატყეო სამსახურის მიერ კასპის სატყეო უბნის ტერიტორიაზე პლანტაციის გაშენება 3000-მდე ვერხვის სახეობის კალმით განხორციელდა. სწრაფმზარდი სახეობებით პლანტაციების გაშენება ბუნებრივ ტყეზე ზენოლის შემცირების საუკეთესო საშუალებააა მიჩნეული და სსიპ ეროვნული სატყეო სააგენტო მომავალში გეგმავს მსგავსი სამუშაოების მასშტაბების გაზრდას.



მუნიციპალური ტყეების მართვა



გარემოსა და ბუნებრივი რესურსების დაცვის მინისტრი გიგლა აგულაშვილი, სატყეო პოლიტიკის სამსახურის უფროსი კარლო ამირგულაშვილი და ეროვნული სატყეო სააგენტოს უფროსი თორნიკე გვაზავა ბაღდათის მუნიციპალიტეტის გამგეობის წარმომადგენლებს შეხვდნენ, სადაც მუნიციპალიტეტისთვის ადგილობრივი მნიშვნელობის ტყის მართვაში გადაცემის საკითხი განიხილეს.

საქართველოს კანონის „ადგილობრივი თვითმმართველობის კოდექსის“ თანახმად, ადგილობრივი მნიშვნელობის ტყის რესურსების მართვა სახელმწიფოსთან ერთად, მუნიციპალიტეტის საკუთარ უფლებამოსილებას წარმოადგენს.

ამ ეტაპზე მართვაში გადაცემის პროცედურების სამართლებრივი მონესრიგება მიმდინარეობს, რის შემდეგაც განიხილება მუნიციპალური ტყეების გადაცემის პროცედურა.



შეხვედრა რეგიონალური სამსახურების ხელმძღვანელ პირებთან



ეროვნული სატყეო სააგენტოს უფროსი თორნიკე გვაზავა რეგიონალური სამსახურების ხელმძღვანელ პირებს შეხვდა. შეხვედრაზე იმსჯელეს ხე-ტყის დამზადების, სოციალური ჭრების, პლანტაციებსა და სანერგეებში მიმიდინარე სამუშაოებზე. რეგიონალური სამსახურის თანამშრომლებმა ისაუბრეს რეგიონში არსებული პრობლემების შესახებ და განხორციელებული სამუშაოების ანგარიში წარადგინეს. დაიგეგმა სამომავლო ნაბიჯებიც რომლებიც მოსახლეობის მერქნული რესურსით დაკმაყოფილების, ასევე, ტყეების დაცვის და მოვლის ღონისძიებების გაუმჯობესებას შეუწყობს ხელს.



სწრაფმზარდი სახეობების პლანტაციები ახალსოფელში



სსიპ ეროვნული სატყეო სააგენტოს ტყის მოვლა-აღდგენის დეპარტამენტის უფროსმა ნათია იორდანიშვილმა უცხოელ ექსპერტთან და კახეთის სატყეო სამსახურის ხელმძღვანელობასთან ერთად ყვარლის სატყეო უბნის, ახალსოფლის სატყეო ტერიტორიაზე ახლადგაშენებული სწრაფმზარდი სახეობების პლანტაციები მოინახულა. ამ ტერიტორიაზე პლანტაციები მიწის 10 ჰექტარს მოიცავს. სწრაფმზარდი სახეობების პლანტაციების გაშენება ეკოლოგიური მდგომარეობის შენარჩუნებისა და გაუმჯობესების, ასევე ადგილობრივი მოსახლეობის მერქნულ რესურსზე მოთხოვნილების დაკმაყოფილების მიზნით ხორციელდება. პლანტაციების გაშენება კახეთის რეგიონში გასულ წელს დაიწყო და მომავალშიც გაგრძელდება.



კავკასიური ფიჭვის სანერგე ბარისახოში



ეროვნული სატყეო სააგენტოს უფროსმა თორნიკე გვაზავამ და სააგენტოს უფროსის მოადგილემ ნათია იორდანიშვილმა რეგიონებში სანერგეების მონიტორინგის ფარგლებში, მცხეთა-მთიანეთის რეგიონის ბარისახოს სატყეო უბანში 1220 კვადრატულ მეტრზე გაშენებული კავკასიური ფიჭვის სანერგე დაათვალიერეს, რომელიც თიანეთი-ზარიძეები-ჟინვალის საავტომობილო გზის მონაკვეთის რეკონსტრუქციის შედეგად მოჭრილი მერქნული რესურსების საკომპენსაციოდ, კერძო კომპანიის მიერ განხორციელდა.

არსებული სანერგის მოვლის პროცესზე ყოველდღიურ დაკვირვებას აწარმოებენ რეგიონის სატყეო სამსახურის უფროსი დავით ალადაშვილი და ამავე სამსახურის მეტყევე სპეციალისტები.



გარემო ევროპისთვის მინისტრთა მერვე კონფერენციის ფარგლებში შეხვედრა



გარემო ევროპისთვის მინისტრთა მერვე კონფერენციის ფარგლებში მიმდინარე წლის 09 ივნისს შეხვედრა გაიმართა თემაზე: „11 წელი პეტერბურგის დეკლარაციიდან და ENPI FLEG ის პროგრამის 8 წელი - შემდეგი ნაბიჯები“ შეხვედრას კონფერენციის მონაწილე ქვეყნების დელეგატებთან და FLEG-ის პროგრამის განმახორციელებლებთან (WB, WWF, IUCN) ერთად ესწრებოდნენ გარემოსა და ბუნებრივი რესურსების დაცვის მინისტრის მოადგილე ბესარიონ აბაშიძე, სსიპ ეროვნული სატყეო სააგენტოს უფროსი თორნიკე გვაზავა და სატყეო პოლიტიკის სამსახურის უფროსი კარლო ამირგულაშვილი. შეხვედრაზე იმსჯელეს პროგრამის ფარგლებში მიმდინარე პროექტებზე, შეჯამდა უკვე განხორციელებული აქტივობები და დაისახა შემდგომი ნაბიჯები.



შეხვედრა გურიის გუბერნატორთან



17 ივნისს ეროვნული სატყეო სააგენტოს უფროსი თორნიკე გვაზავა გურიის გუბერნატორს გია სალუქვაძეს შეხვდა. შეხვედრაზე ისაუბრეს გურიის რეგიონში არსებულ მერქნულ რესურსებზე და მის განაწილებაზე ადგილობრივ მოსახლეობისთვის, ასევე არსებულ ტყეკაფებზე და ტყეკაფებამდე მისასვლელი გზების მოწყობა-რეაბილიტაციაზე. შეხვედრას ესწრებოდნენ ეროვნული სატყეო სააგენტოს უფროსის მოადგილე ნათია იორდანიშვილი, ტყით სარგებლობის დეპარტამენტის უფროსი ზურა ყელიხაშვილი და რეგიონის სატყეო სამსახურის უფროსი კახაბერ ლლონტი.



შეხვედრა რეგიონალური სამსახურების ხელმძღვანელებთან



სსიპ ეროვნული სატყეო სააგენტოს უფროსი თორნიკე გვაზავა ქუთაისში დასავლეთ საქართველოს, ხოლო ხაშურში შიდა ქართლის რეგიონალური სამსახურების ხელმძღვანელ პირებთან სამუშაო შეხვედრები გამართა. შეხვედრებზე შეშით მომარაგების, ტყე-კაფებზე და მათთან მისასვლელ გზების საკითხებზე იმსჯელეს, შეიმუშავეს მოსახლეობასთან სისტემური კომუნიკაციის გეგმა, რომელიც მიზნად ისახავს რეგიონებში არსებული პრობლემების მოგვარებას. მსგავსი სამუშაო შეხვედრები სისტემური ხასიათის იქნება და სხვა რეგიონებშიც გაგრძელდება.



კახა ბენდუქიძის საუნივერსიტეტო კამპუსში სეზონური სატყეო სკოლა გაიხსნა



27 ივნისს კახა ბენდუქიძის საუნივერსიტეტო კამპუსში სეზონური სატყეო სკოლა გაიხსნა. პროექტი საქართველოს აგრარული უნივერსიტეტის სატყეო ფაკულტეტის ბაზაზე, შოთა რუსთაველის ეროვნული სამეცნიერო ფონდის ფინანსური უზრუნველყოფით ხორციელდება. სატყეო სკოლა დარგის პოპულარიზაციის მიზნით ტარდება და ითვალისწინებს თანამშრომლების წახალისებას რეგიონალურ დონეზე. სასწავლო კურსი ორ მთავარ თემასტყეების ეკოსისტემებსა და მათ ბიომრავალფეროვნებას მოიცავს. სასწავლო კურსს გაუძღვებიან როგორც ადგილობრივი, ასევე ევროპელი წამყვანი პროფესორები და მეცნიერები. პროექტში 21 მსმენელი მონაწილეობს როგორც საქართველოდან, ისე სხვა ქვეყნებიდან. სატყეო სკოლის გახსნას გარემოსა და ბუნებრივი რესურსების სამინისტროს სატყეო პოლიტიკის სამსახურის უფროსი კარლო ამირგულაშვილი, სსიპ ეროვნული სატყეო სამსახურის უფროსის მოადგილე ნათია იორდანიშვილი და სხვა დაინტერესებული პირები ესწრებოდნენ. სატყეო სკოლა 3 ივლისს დაიხურება.



საგანმანათლებლო პროექტი სსიპ ეროვნულ სატყეო სააგენტოში



სსიპ ეროვნული სატყეო სააგენტოს ინიცირებით კიდევ ერთი საგანმანათლებლო პროექტი ხორციელდება, რომელიც მოსწავლე-ახალგაზრდობისთვის ტყესთან დაკავშირებული საბაზისო ცოდნის მიწოდებასა და მათი ტყის მოვლა-აღდგენის სამუშაოებში ჩართვისკენაა მიმართული. ამჯერად კავკასიის გარემოსდაცვითი არასამთავრობო ორგანიზაციების ქსელის (CENN) მხარდაჭერით და ზოოპარკში არსებული საგანმანათლებლო ცენტრის „მეტაზო“-ს ჩართულობით მოსწავლეებისათვის ტყის მავნებელ-დაავადებებთან დაკავშირებით თეორიული მეცადინეობა ჩატარდა, ხოლო, ქვემო ქართლის რეგიონში საველე პრაქტიკისას მოსწავლეებმა სხვადასხვა მავნებლების (მუხის დიდ ხარაბუზა, პენიანა და სხვა) ამოცნობა ისწავლეს და მათ წინააღმდეგ განსახორციელებელი ბრძოლის ღონისძიებების შესახებაც მიიღეს ინფორმაცია.

პროექტის ფარგლებში საველე გასვლები ზაფხულის განმავლობაში გაგრძელდება.



დაზიანებული კოლხური ბზის კორომების დამუშავება



კოლხური ბზის გადარჩენის ეროვნული მრავალწლიანი სამოქმედო გეგმით გათვალისწინებული ღონისძიება - ბზის ალურით (Cydalima perspectalis) დაზიანებული კოლხური ბზის კორომების შენამლვითი ღონისძიების



პირველი ეტაპი დასრულდა. სამუშაოები იმერეთის, გურიისა და სამეგრელო-ზემო სვანეთის რეგიონებში სააგენტოს მართვას დაქვემდებარებული ტყის ფონდის 400 ჰა-ზე განხორციელდა. შენამლვის პრეპარატის შესხურება მაღალტექნოლოგიური ქარხნული აეროზოლის გენერატორის გამოყენებით მოხდა, რომელიც უშუალოდ ტყის ფართობების დასამუშავებლადაა გამიზნული. კოლხური ბზა „წითელი ნუსხით“ დაცული სახეობაა და მისმა ხმოვან ბუნებრივი გავრცელების მთელს არეალზე ბოლო რამოდენიმე წელია მასიური ხასიათი მიიღო. სამინისტროს მიერ შემუშავებული „კოლხური ბზის გადარჩენის ეროვნული რეაგირების გეგმის“ ფარგლებში მიმდინარე და მომავალ წლებში სააგენტო მავნებელ-დაავადებებთან ბრძოლის გარდა ბზის აღდგენისა და კონსერვაციის ღონისძიებების განხორციელებას გეგმავს. მავნებელთან ბრძოლის



პროცესი სპეციალისტების ზედამხედველობის ქვეშ მიმდინარეობს და მავნებლის ბიოლოგიის გათვალისწინებით დაზიანებული ბზის კორომების შენამლვა წლის ბოლომდე რამოდენიმეჯერ განხორციელდება.

გამწვანების აქცია

სსიპ ეროვნულმა სატყეო სააგენტომ და მისმა რეგიონალურმა სამსახურებმა სხვადასხვა მოხალისე ორგანიზაციებთან ერთად მიმდინარე წლის აპრილი-ივნისის განმავლობაში საქართველოს მასშტაბით 13 გამწვანების აქცია ჩაატარა რა დროსაც 37000 სხვადასხვა ჯიშის ნერგი დაირგო.



ეროვნული სატყეო სააგენტოს ტყის მცველებს ტრენინგი ჩაუტარდათ



400-მა ტყის მცველმა მასი-იენისის განმავლობაში ტყის მდგრადი მართვის კვალიფიკაციის ასამაღლებელი ტრენინგ კურსი გარემოსდაცვითი ინფორმაციისა და განათლების ცენტრის ორგანიზებით, GIZ- გერმანიის საერთაშორისო თანამშრომლობის საზოგადოებისა და ეროვნული სატყეო სააგენტოს მხარდაჭერით გაიარა.

ტრენინგ კურსის "ტყის დაგეგმვისა და მართვის ძირითადი პრინციპები" მიზანი ტყის მდგრადი მართვისათვის ეროვნული სატყეო სააგენტოს ტყის მცველთა კვალიფიკაციის ამაღლებაა. ტრენინგზე განიხილეს ტყის მცველის მოვალეობები და ძირითადი საქმიანობა, გარემოზე მიყენებული ზიანის გაანგარიშების მეთოდოლოგია, კანონმდებლობით გათვალისწინებული ხის ჭრის სახეები და ტყის დაცვა დაავადებებისაგან.

ტყის მცველებს ტრენინგ კურსის წარმატებით დასრულება GIZ-ის პროექტის "ადამიანური შესაძლებლობების განვითარება" უფროსმა მრჩეველმა ერიშ მისმა და გარემოსდაცვითი ინფორმაციისა და განათლების ცენტრის

დირექტორმა ია პაპიაშვილმა მიულოცეს და სერტიფიკატები გადასცეს.



სატყეო სააგენტო სამცხე-ჯავახეთის წინვოვან კორომებში მბეჭდავი ქერქიჭამიების მონიტორინგს ახორციელებს



სსიპ ეროვნული სატყეო სააგენტო უკვე 3 წელია ახორციელებს სამცხე-ჯავახეთის რეგიონის წინვოვან კორომებში მბეჭდავი ქერქიჭამიების მონიტორინგს, შესაბამისი ხაფანგისა და ფერომონის გამოყენებით, სულ დაჭერილი და განადგურებულია 10 მილიონამდე ხოჭო, ამას დაემატება წლევეანდელი წლის რაოდენობაც. მავნებლის ბიოლოგიიდან გამომდინარე ხაფანგების განთავსება ხდება გაზაფხულზე, აპრილში და ჩამოსხნა შემოდგომით ოქტომბრის ბოლოს. ხაფანგებით დაჭერილი ხოჭოების რაოდენობები გვეხმარება დავადგინოთ წლის მანძილზე ქერქიჭამიების გამრავლების პიკები, ახალი კერების წარმოქმნის რისკები და სეზონზე გენერაციის რაოდენობები ამას ემატება სანიტარული ჭრები, რის შემდეგაც გადევმილია შესაბამისი ტყის აღდგენის ღონისძიებების განხორციელება. აღნიშნულ ტერიტორიაზე სანიტარული ჭრების მუდმივ მონიტორინგს ახორციელებს სამცხე-ჯავახეთის სატყეო სამსახური.

ასევე სააგენტო მუშაობს ბუნებრივი მტერის გამრავლებაზე და შემდგომ ბუნებაში გაშვებაზე. ეს ყველაფერი დაეხმარება დარეგულირდეს ტყეში მავნებლის რაოდენობა და ასევე ხელი შეეწყოს ამ რეგიონში წინვოვანი კორომების შენარჩუნება, გაფრთხილებას და დაცვას.

გამოვლენილი სამართალდარღვევების სტატისტიკა

2016 წლის II კვარტლის განმავლობაში რეგიონალური სატყეო სამსახურების თანამშრომელთა მიერ გამოვლენილი სამართალდარღვევის ფაქტების მონაცემები.

სსიპ ეროვნული სატყეო სააგენტო											
გამოვლენილი სამართალდარღვევების ფაქტები 2016 წლის II კვარტალი											
ტერიტორიული ორგანოები (სატყეო სამსახურები)	გამოვლენილი სამართალდარღვევის ფაქტები, სულ	მათ შორის		უკანონოდ მოპოვებული რესურსის რაოდენობა			გარემოზე მიყენებული ზიანის ოდენობა	ზიანი, მათ შორის		ჩამორთმეული იარაღი ან სხვა საშუალება	ჩამორთმეული რესურსი
		ადმინისტრაციული სამართალდარღვევები	სისხლის სამართალდარღვევები	ხე-ტყე (კუბ.მ)	სამასალე	საშეშე		ადმინისტ. საქმეებზე	სისხლის სამართლის საქმეებზე		
ქვემო ქართლი	53	25	28	246.359	0	246.359	28772.6	4456.98	24315.62	1 ა/მანქანა	22.606
კახეთი	129	114	15	4152.07	73.95	4078.12	497182.2	12464.4	484717.8	0	90.38
მცხეთა-მთიანეთი	39	37	2	270.94	0	270.94	33710.13	7166.32	26543.810	0	
შიდა ქართლი	48	46	2	157.051	59.914	97.137	17390.03	11001.91	6388.12	0	0.8
სამცხე-ჯავახეთი	66	44	22.00	1900.31	1362.67	537.64	254265	3907	250358.00	9	34.98
იმერეთი	188	174	14	899.138	464.201	434.937	213409.76	15832.85	197576.91	0	10,237 მ3 ხე-ტყე და 33 ტონა ბზა
რაჭა-ლეჩხუმი - ქვემო სვანეთი	27	27	0	36.53	11.36	25.17	3512.71	3512.71	0.00	0	0.54
გურია	35	33	2	133.272	0	133.272	8257.31	3143.29	5114.02	0	1.52
სამეგრელო - ზემო სვანეთი	104	98	6	238.6	50.88	187.71	673087.24	9187.7	663899.5	0	12.5
სულ	689	598	91	8034.274	2022.975	6011.289	1729586.98	70673.16	1658913.780	9	163.326

